

靈寶无量度人上品妙經卷之四

天四

永延劫運保世升平品

道言昔於皇靈天中妙化飛音大黎樂土受
元始度人永延劫運保世升平无量上品元
始天尊當說是經周迴十過以召十方始當

詣座天真大神上聖高尊妙行真人無鞅數
衆乘空而來瑞彩瀾漫靈香飛空龍車紫蓋
交映拱扶流霞輝煥洞朗萬天九日九夜諸
天浮蓋圓象森羅樞斗一時停機二景合光
八極廓清湛然澄瑩一國山林川澤淵藪緬

平蔚蒼無不華明土皆作柔玉光照凝鮮無
有異色衆真侍座元始天尊玄坐太空九色
玄龍寶局之上說經一徧諸天大聖同時稱
善萬物民人咸皆遂性說經二徧物無札癘
民息憂虞說經三徧人安其化無所爭求說
經四徧時稱豐樂不識災凶說經五徧萬方
率服遐邇同風說經六徧禽魚胎卵各保生
成說經七徧麟鳳來儀天地應祥說經八徧
至德熙洽民物還淳說經九徧國君王侯永
保世續說經十徧普天率土咸證道妙是時

一國是男是女莫不傾心皆受護度咸得長
生

道言是時元始天尊說經一徧東方无極无
量品延劫保世至真大神無鞅之衆浮空而
至說經二徧南方无極无量品延劫保世至

真大神無鞅之衆浮空而至說經三徧西方

无極无量品延劫保世至真大神無鞅之衆

浮空而至說經四徧北方无極无量品延劫

保世至真大神無鞅之衆浮空而至說經五

徧東北无極无量品延劫保世至真大神無

鞅之衆浮空而至說經六徧東南无極无量
品延劫保世至真大神無鞅之衆浮空而至
說經七徧西南无極无量品延劫保世至真
大神無鞅之衆浮空而至說經八徧西北无
極无量品延劫保世至真大神無鞅之衆浮
空而至說經九徧上方无極无量品延劫保
世至真大神無鞅之衆浮空而至說經十徧
下方无極无量品延劫保世至真大神無鞅
之衆浮空而至十徧周竟十方无極天真大
神一時同至一國男女傾心歸仰來者萬億

普徧方土咸皆欣願來詣天尊觀聽上法洞
達妙無劫運綿長保世升平萬國歸依天人
和同無鞅之衆迻國一半土皆徧陷非可禁
止於是元始凝目斂神飛出妙氣結爲圓光
大如赤日在空玄之中去地九丈元始登引
天真大神上聖高尊妙行真人十方无極至
真大神無鞅數衆俱入圓光之內天人仰看
惟見拂拂從光明中入既入圓光不知所在
國人靡散地還平正無復歎陷元始即於圓
光之內說經都竟衆真監度以授於我當此

之時延度劫數保世升平福德无量道法自然萬彙樂育喜慶難言法事粗悉諸天復位條欵之間寂無遺響是時天人遇值經法普得濟度全其本年無有中傷傾土歸仰咸契大道無天無閼無患無殃無爭無擾無惡無

天四

三

邪無偏無黨意無貪欲心無怨憎齊同慈愛異骨成親國安民豐欣樂太平經始出教一國以道預有至心宗奉禮敬永延劫運

道言元始天尊說經中所言並是諸天上帝內名隱韻之音亦是魔王內諱百靈之隱名

也皆至道之神機天地之密文可以永延大
小劫運保世升平帝享萬曆民物咸亨非世
之常辭上聖已成真人通玄究微能悉其章
誦之十過天地合泰運度無愆三災消革五
氣常平善瑞咸臻帝祚綿昌至學之士誦之
十過則身躬永固命運長延保世億齡感真
致仙濟度垂死絕而得生所以爾者學士道
氣未純體未合靈召制十方威未制天政德
可伏御地祇延度災衰但却死而已不能更
生輕誦此章身則被殃供養尊禮門戶興隆

世世昌熾與善因緣萬災不干神明護門斯
經尊妙獨步玉京保延无量爲萬道之宗魏
巍大範德難可勝

道言凡誦是經十過諸天齊到推延妙氣制
水伏火不得凌犯劫運永長無有時災永保
升平凡學至經功滿德就皆能保衛成其至
治欣樂年豐也上學之士修誦是經外保六
合內保一身內外一理同獲永延小大蒙福
幽顯被恩此經微妙保衛無窮一切天人莫
不受慶无量之福萬劫蒙惠上天所寶不傳

下世至士齋金寶效心盟天而傳輕泄漏慢
殃及九祖長役鬼官侍經五帝玉童玉女各
二十四人營衛神文保護受經者身

道言正月長齋誦詠是經歷劫萬世數會無
窮道化長存七月長齋誦詠是經消除乖沴

天四

四

名致福祥十月長齋誦詠是經為國王帝主
君臣父子安鎮國祚保天長存世世不絕常
為人君安鎮其方民稱太平八節之日誦詠
是經永延劫運保世升平身受道德祖欄超
登得為九宮三天真人離合之日誦詠是經

普濟生靈咸獲福壽擾競永消普世率寧萬
神鎮衛五帝司存晏昞無窮以度億齡

道言行道之日皆當香湯沐浴齋戒入室
東向叩齒三十二通上聞三十二天心拜
三十二過閉目靜思身坐青黃白三色雲
氣之中內外翳冥有青龍白虎朱雀玄武
獅子白鶴羅列左右日月照明洞煥室內
項生圓象光映十方如此分明密呪曰

无上玄元太上道君召出臣身中三五功曹
左右官使者侍香玉童傳言玉女五帝直符

直日香官各三十二人開啓所言今日吉慶
長齋清堂修行至經无量度人願所啓上徹
徑御

无上三十二天元始上帝至尊几前

畢

引炁三十二過東向誦經

天四

五

元始无量度人上品妙經

元始洞玄靈寶本章上品妙首十回度人百
神隱韻離合自然妙化玉真高玄上神孕育
元氣融結萬天開明華景和合陰陽陰陽合
變五運推行寒暑代遷萬化生成冥冥大範

妙數該通盛衰周布各有窮極陽九百六水火相厄號曰劫災造化俱忒大劫所交水火蕩焚乾坤滅景惟道獨存元始安鎮瓊書上篇總真命靈檢校諸天星宿分度軌運無愆攝名蛟龍負塞河源東井不傾江海停淵統持世界各有真神衛世之君太平高尊五靈玄老三氣丈人中有護國十方大聖永制劫刃度厄尊神回災散禍保世清貞今日宣布諸天臨軒

東方无極飛天保延世劫神王長生大聖无

靈寶无量度人上品妙經

量度人

南方无極飛天保延世劫神王長生大聖无

量度人

西方无極飛天保延世劫神王長生大聖无

量度人

北方无極飛天保延世劫神王長生大聖无

量度人

東北无極飛天保延世劫神王長生大聖无

量度人

東南无極飛天保延世劫神王長生大聖无

量度人

西南无極飛天保延世劫神王長生大聖无

量度人

西北无極飛天保延世劫神王長生大聖无

量度人

上方无極飛天天四保延世劫神王長生大聖无

量度人

下方无極飛天保延世劫神王長生大聖无

量度人

十方至真飛天神王永延劫運保世升平无

靈寶无度量人上品妙經

量大神並乘靈瑞祥雲明霞寶輿翠蓋華輪
驂駕玉龍侍衛辟邪建紫旄之節雲錦神旂
前嘯鸞歌逸響後吹簫籟相和普天稱慶莫
不欣歡金童散香玉女翼轅安天大將赤甲
萬兵齊麾並驅擁衛高真保度劫災蕩熄祆
氛三元正吏九天上靈統化元老安鎮大神
檢校運會簡奏帝前陰陽滯結隨應開宣幹
旋大紐檢極靈關曆數相厄回順彌綸水火
流布生成自然超凌安泰杜絕災原凶勅殄
滅萬慶咸臻不容乖忒無招禍愆靈寶玉字

安鎮劫延君民安泰億劫長存乾坤靜肅日月合明昆蟲遂性至化無邊神真協贊世祚長年與道齊德功歸萬天越度三災福祿純全億兆無爲逍遙太平太平之機總攝上玄無色之境梵行

東方八天

天四

七

義明昭正天

帝殊師彥希

泰智雲陽天

帝妙定無炎

昌機游玄天

帝肇初茲成

魯思元舉天

帝莊華永恩

靈寶先天度量上人妙品經

玄章變梵天
韶動希音天
度生救靈天
周井虛秦天
南方八天
朱海霞藏天
瑤扈璇侶天
利正京符天
六常賓愬天
呼耻更回天

帝無寂阮監
帝陽浴利生
帝辯混持雷
帝雲梁藻彌
帝皓塞沖圖
帝祭勤董猷
帝晉句願澤
帝九方真童
帝保紀定明

魁神總令天

帝捧罡飛霄

抱日慶交天

帝確生鼎孚

量乎文珙天

帝瑟那東

西方八天

察非正憲天

帝崇四欽靈

兆籍羅公天

帝斬殄斗兵

楮牧妙觀天

帝陋都內真

幹定道庸天

帝樂明報先

龍羅竦持天

帝漂粗尉宜

侯宿推霞天

帝大微亮宗

靈寶度量人上品妙經

道至玉翰天

上虛寶有天

北方八天

沈洲泛生天

冥回杳迹天

天四

羽演婁籍天

淵靈浪元天

遼微斷極天

鼎燔召氣天

酌并傲冥天

帝祈明俱唐

帝曲擇蒼房

帝廣侯無希

帝魏覽變祥

八

帝居門雲芒

帝土狨庚驅

帝鑑伯真侔

帝屢無邁規

帝擢寒連

妙微昆定天

帝道驗中皇

三十二天三十二帝諸天隱諱諸天隱名天
中空洞自然靈章諸天隱韻天中之音天中
之尊天中之神延劫大魔天中之靈和會帝
氣統化上清无量之奧深不可詳敷教神霄
保衛無窮今日欣慶受度歷關諸天統御劫
化保世升平開延紀曆氣運無愆混合太一
回度五行歲星衛生太白司成辰星藏養榮
惑敷榮鎮星中主皇一周行青靈定仁皓靈
輔義丹靈贊禮玄靈衛智中央元老恢張沖

氣東皇大神木袂蕩蠶南真大神炎禍寧極
白帝大神金兵消革元晶大神玄會合德中
皇大神總御符靈五方十界萬道之神握鈴
仗鉞嚴衛億千鼓運化綱名制神真歷劫天
地保鎮不傾二十八宿抗禦四躔中斗臨向
弭禍開生四序天四旋列寒暑循環陰陽輪轉怪
沴勿干大劫至期辟却災群五河主宰溟泠九
大神促令檢錄開除水津元始符告敢有稽
停攝送上官所誅無存姦邪喪氣杖亂滅根
世受大福道化澄清永載慶昌仁善興隆普

推衆妙同升上宮順扶曆數列奏高空元始
大梵三氣推延分判二象植立萬天神靈羅
布造化生成生成陶育五氣流行六氣代遷
榮謝相仍氣運否塞大劫纏綿命有數會水
火風災華燿隳沒生靈滅根溟津幽寥三景
藏輝善惡無別凶咎交馳元始安鎮福德自
然靈書大策寶錄上篇促召諸天十方大神
統握玄圖綿綿不窮範圍道氣妙用開通神
網經緯運劫法輪樞轄造化常保元貞靈風
鼓扇八極和平和氣沖融善瑞咸臻敷揚天

靈寶无量度人上品妙經

政歷奏上真真中有神長生大君神霄後聖
青華帝君東極西臺左右仙卿執符定簡以
保希夷威明將吏掃絕百非上奉九天下制
三災四維八區一德咸歸邪穢蕩盡魔癘折
摧億萬斯載富樂又寧不容姦慝上善日新
忠良輔化與道合明道貴保延无量劫津悉
除鬼盜風火無停海宇清謐天地廓澄慶速
幽壤滯爽超登沈魂滅對釋解冤愆純化蕩
蕩稱讚諸天諸天大聖咸喜歡言中爲空洞
謠歌之章魔王靈篇辭參高真

第一欲界飛空永劫之音

神化恢張

吉慶方亨

邪道滅乎

嘉祥來臻

天道昭昭

息絕袂氛

仁善歸至德

姦凶造惡根

貪愛忘真守

天經錯謬行

勿使成華愆

當令保太平

惡魔樂殘敗

傷困勞生靈

擾我清淨境

怨毒苦相仍

高上玉清王

賜我靈寶章

攝制綿長劫

常膺無上功

真風既蕩蕩

世祚日興隆

紫清降福洞微天尊永劫寶符


靈寶元量度人上品妙經

混洞乾坤
厄塞劫津
萬景三辰
安鎮普天
調御四氣
以享我恩

曆運無常
劫災所至
冥冥莫存
推延大紀
寒暑相和
禍害沈息

陰陽否愆
水火蕩焚
賴我衆靈
解釋災根
人何知此
清晏自然

第二色界魔王延運之章



此時樂号

護度億齡

煌煌群生

一合俱真

上帝寶符

敷落山川

宗社寧肅

永保太平


善應元吉

我道常尊

天皇萬福天尊延運寶符

天四

十一



第三無色界魔王保世歌曰

三天之上

萬景之宗

元皇統御

靈寶度量人上品妙經

我界所崇

勅制神靈

保衛天根

三災化蕩

八道清明

劫輪無滯

順化流行

檢校星躔

宿度悉分

我奉帝符

勅制魔群

敢有姦橫

陽光激燿

太平開化

安鎮長存

永膺福慶

後天無傾

造化玄樞

上攝天機

若不知此道


何以登真梯

無令逢運會

群杖得放威

太平護國天尊保世真符





已上三符以金銅鑄安闕門殿廡之上大吉學道者佩服延年却災度厄丹書赤紙如科

此三界之上飛空之中真魔謠詠之音音參洞章受之永延劫運帝祚克昌誦之百徧消却時災誦之千徧魔王衛靈萬徧道備億世升平保度劫化萬凶摧傾有聞靈音魔王敬形勅制地祇侍衛神真臣民康樂超脫禍難

福慶大來莫不咸臻是謂无量保度无窮有
秘上天文諸天共所崇泄慢墮地獄禍及七
祖翁

道言此二章並是諸天上帝及至靈魔王隱
秘之音皆是大梵之言扶佑劫運衛世降祥

天四

十二

招真致神惠民安國言無韻麗曲無華宛故
謂玄奧難可尋詳上天所寶秘於神霄玉清
五府經室華堂應運六萬劫下傳若有至人
齋內寶質心依舊格告盟九天然後而付焉
道言夫天地運度亦有否終日月五星亦有

虧盈劫數世運亦有促延至聖神人亦有休
否末學之夫亦有疾傷凡有此災同氣皆當
齊心修齋六時行香十徧轉經福德立降消
諸不祥无量之文普度无窮

道言夫末學道淺或仙品未充運應滅度身
劫將終神經太陰臨過之時同學至人爲其
行香誦經十過以度尸形如五鍊生尸法魂
神徑上南宮度名天機玄省隨其學功計日
而得更生轉輪不惑便得神仙

道言夫天地運終亦當修齋行香誦經星宿

錯度日月失昏亦當修齋行香誦經四時失
度陰陽不調亦當修齋行香誦經大小劫終
五運改易世紀延續亦當修齋行香誦經疫
毒流行兆民死傷亦當修齋行香誦經稼穡
不登亦當修齋行香誦經夫齋戒誦經功德

天四

十三

甚重上消天災保鎮帝王下攘毒害以度兆
民生死受賴其福難勝故曰无量普度天人
道言凡有是經能為天地帝主兆民行是功
德有災之日發心修齋燒香誦經十過皆諸
天記名萬神侍衛右別至人剋得為聖君金

闕之臣諸天記人功過毫分無失天中魔王亦保舉爾身得道者乃當洞明至言也

諸天中大梵隱語无量音 道君撰

元始靈書永延劫運護世太平玉篇

東方八天

鬱羅高張

化運玄庸

歷譜緣世

憫愜慈宮

幸祐夷拱

敷卓姦求

輅做題攸

覺粗沂鈞

祝屠觀需

琳局鄙幽

大格省急

宰錄并由

獻嶽蓮塞

雲業道解

錫疇帝房

畧勿鋤諫

南方八天

褒美儲祈

星簡昉恭

神音謹忱

醮伯呼在

漠延徂輝

伐靈力心

第粵著延

高始耿亨

昭符江愬

山尸毛樊

乙愬通輻

卷白彼關

升童照腦

精延內鑒

運意神占

寸曠允閑

西方八天

明思彪陔

鐸哥淨淙

瓊阜煙徊

媾茲綠姬
蒙虛造誠
露液密樂

抱連卯墟
玄冥洞覺
蕪晶縻常

活欲耻孤
熾動命得
無何劫空

定本為防
真絕乖當
一同龍初

子胎幻如

北方八天

十四

罔光搖潤
結沫陷海
抽丘擬罔

流漫溢蔓
忽影紛象
興沒降伏

妄有認匪
混獨消止
生恩名慈

伐毒擯非
隨自納祥
天收赴微

繩遠丕固 糝委邈窺 榮竟弗悼

諱契啓施

道言此諸天中大梵隱語无量之音舊文字
皆廣長一丈天真皇人以絳玉之簡刻書其
文以為正音布諸臺闕及太微紫微館室之
上以攝大小劫運世數水火克復不祥有知
其音能齋而誦之者諸天皆遣飛天神王下
觀其身書其功勤上奏諸天萬神朝禮地祇
侍門大勳真王保舉上仙道備剋得遊行三
界升入金門此音無所不辟無所不穰無所

不度無所不成天真自然之音也故誦之致
飛天下觀上帝遙唱萬神朝禮三界侍軒群
袂束首鬼精自亡琳琅振響十方肅清河海
靜默山嶽吞烟萬靈振伏招集群仙天無氛
穢地無袂塵冥慧洞清大量玄玄也

天四

十五

元始无量度人上品妙經卷之四